

Akiitsornermut isumaqatigiisummut piumasaqaatit

1. Ernianik aamma akinik allannguineq

Erniat akillu allanngorartuupput, ersarissumik allatut allassimasoqanngippat. Akit aamma akiliutitut taaneqartarput.

1.1. Ernianik allanngorartunik aamma akinik allannguineq

GrønlandsBANKEN taarsigassarsianut aamma akiitsunut erniat aamma akit qaffassinnaavaat kiisalu akinik nutaanik eqqussisinnalluni.

GrønlandsBANKEN-imi Niuernermut piumasaqaatini nalinginnaasuni, ernianik akinillu allannguinermut piumasaqaatit ersersinneqarput, matuma ataani qanoq kalerriinissat.

Ernianik allannguinerit naleqqiussanik tunngaveqartut taamaallaat kontop assilinerani imaluunniit GrønlandsBANKEN-imit naatsorsuutinit ertsittarput.

2. Akiliinngitsoornermi pillaatitut erniaritat aamma sippuinermi erniat aamma akiliineq ajornerup kinguneri

Ullormi akiliiffissami kingusinnerpaamik akiliisoqanngippat, imaluunniit killilimmik taarsigassarsiat sipporneqarpata, GrønlandsBANKEN pisussaatitaavoq akiliinngitsoornermi pillaatitut erniaritanik/sippuinermi ernianik akileeqqusinissamut. Akiliinngitsoornermi pillaatitut erniaritat/ sippuinermi erniat akilinngitsuukkap nalinga/ sippuineq tunngavigalugu naatsorsorneqassapput. Akiliinngitsoornermi pillaatitut erniaritat/ sippuinermi erniat akiitsornermut isumaqatigiisummi naliusumik, nikerartumik, ullormit akiliiffissamit/ sippuiffiusumit, akiliinissap tungaanut naatsorsorneqartarpoq. Akiliinngitsoornermi pillaatitut erniat/ sippuinermi erniat allannguutaat allat assigalugit allanngortinneqartarpoq.

Sippuinermi aamma kingusinaarluni akiliinermi akileeqqusilluni nukingisaarutinut akimik ilanngussisoqarsinnaavoq. Akileeqqusilluni nukingisaarutit akii aamma sumiginnaanermi aningaasartuutit allat GrønlandsBANKEN-ip akigititanut nalunaarsugaani (prisbog) takuneqarsinnaapput. Akiliisitsiniartarfimmut tunniussinermi inatsisilerituumut, eqqartuussivinnut il.il. aningaasartuutinik ilanngussisoqassaaq. Akiligassanut akilerneqanngitsunut akiliutigisakkanut ingerlaavartunut aningaasartuutit ilannguttut ilanngullugit naatsorsornissaannut aningaaserivik imminut piginnaatippoq. Sippuinerup kingunerisinnaavaa, akiitsornermup isumaqatigiissutip atorunnaarsinneqarnera, soorlu sippuinerup aamma akilersuinnginnerup kingunerisinnaagaa, akiitsoqqinissap ajornarsinera. Akiitsornermut isumaqatigiisummit atorunnaarsitsinerup kingunerissavaa erniat akillu qaffannerat.

GrønlandsBANKEN-ip qaqugukkulluunniit taarsigassarsianut akiitsornernullu sumiginnarneqartunut ernialiineq allaffissornikkut naatsorsuutitigullu unitsissinnaavaa.

Ernialiineq unippat, tamannalu akiitsortumut isumaqatigiissutaanngippat, isumaqanngilaq GrønlandsBANKEN-ip pisassami ernialersornissaanut kiisalu aningaasartuutissanut kingusinnerusukkut ilannguttunut matussusiinissamut piumasaqarnissaq taamaatiinnaraa. Tamanna aamma atuuppoq, kontop assilinerani imaluunniit assingusuni allassimagaluarpongalluunniit ernialiineq unissimasoq.

3. Akiliisarnerik iluarsiineq

Ernianik aamma aningaasartuutinik allannguinermi GrønlandsBANKEN pisinnaatitaavoq, akiliisarnerit annertussusaasa, amerlassusaasa imaluunniit akulikissusaasa imaluunniit taakku katillugit allanngortinnissaanut.

4. Akiliisarnerit takussutissartaat

Akiitsullip qaqugukkulluunniit taarsigassarsinermut isumaqatigiissutip ingerlanerani aningaasartuutaanngitsumik qinnutigisinnaavaa, akilersuutit takussutissartaat (akilersuutissanut pilersaarut) naatsorsuutaannik tigusinissaq, tassani akiliutissanik pisussaaffiusunik, piffissanik aamma aningaasanik taama ittunik akiiliinissamut piumasaqaatinik kiisalu akiliinerit ataasiakkaat nassuaataannik imaqtartut.

Akilersuutit takussutissartaani takutinneqarpoq aningaasanik aamma ernianik akilersuineq, akiitsullip erniai aamma aningaasartuutaasinnaasut allat tunngavigalugit naatsorneqartut. Akilersuutit takussutissartaat taamaallaat atuuppoq akiitsullip erniaasa imaluunniit aningaasartuutaasinnaasut allat akiitsornermut isumaqatigiissut naapertorlugu tulliani allanngortinnissaata tungaanut.

5. Aningaasaqarnikkut pissutsit pillugit paasissutissiineq

Akiitsullip GrønlandsBANKEN aningaasaqarnikkut inissismanini pillugu ilisimatitsiffigisassavaa kiisalu qinnuigineqaruni aningaasaqarnikkut paasissutissat, matuma ataani ilaatigut Akileraartarnermut Aqutsisoqarfimmit ukiumoortumik naatsorsuutit aamma siumoortumik naatsorsuutit kingulliit tunniuttassallugit.

6. Atorunnaarsitsineq aamma akiitsut akilernerat

GrønlandsBANKEN-ip taarsigassarsiat akiitsornerillu qaammatnik 2-nik sioqqutsilluni nalunaaruteqarnikkut atorunnaarsissinnaavai, kiisalu akiitsut, matuma ataani erniat aamma aningaasartuutit takkuttut akilerneqarnissaat piumasaqaatigisinnaallugu.

GrønlandsBANKEN-ip atorunnaarsitsinerani akiitsullip allakkatigut elektroniskimilluunniit nassuaat tunngavilersorluagaq piumasinnaavaa.

Akiitsullip taarsigassarsinermut aamma akiitsornermut isumaqatigiissut naapertorlugu qaqugukkulluunniit tamakkiisumik imaluunniit ilaannakortumik pisussaaffini akilernissaanut pisinnaatitaaffeqarpoq. Akiitsullip matuma kingornagut pisinnaatitaaffigaa ataatsimut akiitsunut aningaasartuutit, taarsigassat aamma akiitsut ingerlanissaata sinneranit erniat aamma aningaasartuutit annikillinissai.

7. Pisussaaffimmik sumiginnaaneq aamma pisinnaannginnermut tunngaviit allat

Pisuni immikkut ittuni tulliuttuni GrønlandsBANKEN-ip pisinnaatitaaffigaa taarsigassarsiat/akiitsut nalunaaqqaarnani atorunmaarsinnissai kiisalu akiitsut tamarmik erngetumik akilerneqarnissai:

- a. Akiliutissat, erniat, ilapittuutit imaluunniit akilersuutit piffissami akiliiffissami akilerneqanngippata, kiisalu GrønlandsBANKEN-ip akiitsulimmut akileeqqusilluni nukingisaarummik GrønlandsBANKEN-ip najukkamut kingullermut nalunngisaminut nassiussineranit, ullut arfineq pingasut qaangiunnerani akiitsulik akiliisimangippat. Akiitsornermi aamma tamanna atuuppoq, akiitsullip GrønlandsBANKEN akuersiteqqaarnagu akiitsut annertunerpaaffissa sipporpagu.
- b. Akiliunneqarnissamut imaluunniit paarnaarussaanissamut akiitsulik inuttut eqqartuussivikkut malersugaalerpat.
- c. Akiitsulik iluarsaaqqinnermik imaluunniit akiliisinnajunaarnermik suliaqarfigineqarpat imaluunniit akiitsunik isumakkeerfigineqarnissamut suliamik aallartitsippat.
- d. Akiitsulik toqukkut qimaguppat.
- e. Akiitsulik Kalaallit Nunaata killeqarfiata avataani aalajangersimasumik najugaqalerpat, tamatumalu siornatigut taarsigassarsiat/akiitsut (nangillugu) akilersorneqarnissaanut isumaqatigiissuteqartoqanngippat.

- f. Akiitsulik aningaasaqarnikkut inissisimanini pillugu paassisutissat nipangiussimasimappagit imaluunniit eqqunngitsumik paassisutissimappat, tamanna GrønlandsBANKEN-ip taarsigassarsinissamut/akiitsortitsinissamut neqeroorutaanut unoqqutitsinermik isigineqarmat.
- g. Akiitsulik aningaasaqarnikkut inissisimanini pillugu GrønlandsBANKEN ilisimatinnngikkuniuk imaluunniit qinnuigineqarnermini aningaasaqarnermut paassisutissanik tunniussinngikkuni, matuma ataani Akileraartarnermut Aqutsisoqarfimmit ukiumi kingullermi ukiumoortumik nalunaarutinik aamma siumoortumik nalunaarutinik.
- h. Taarsigassarsianut pigisat qularnaveeqqutaasut GrønlandsBANKEN akuersiteeqqaarnagu tunineqarpata, imaluunniit illuutigisaq taarsigassarsinermut qularnaveeqqutaasoq allatut atugassatut atorneqalerpat, appasinnermik naleqalerneranik kinguneqartumik.
- i. Taarsigassarsianut pigisat qularnaveeqqutit annertuumik ajorerulerma.
- j. Taarsigassarsianut qularnaveeqqutaasoq biili, umiatsiaq, allat pigisat imaluunniit illu iluameersumik sillimmateqanngippat imaluunniit qinnuiginninnermi tamanna uppernarsarneqanngippat.
- k. Akiliussisussamaat pisuni imm. b-g-mi taaneqartuni ilanngunneqarpat. Tamannali atuutinngilaq, sapaatip akunnerata ataatsip iluani allamik GrønlandsBANKEN-ip akuerisinnaasaanik qularnaveeqqusiisoqarpat.

8. Utertitsisinnaaneq

Akiitsullip taarsigassarsiani atugassanngortinnejnareranit ullaat 14-it qaangiutsinnagit taarsigassarsiani aamma akiitsornini utertinnissaanut pisinnaatitaavoq. Utertitsinissamut killiliussaq ulloq kingulleq arfinningornermi, sapaammi, nallittuni, qilalarfiup aqaguan, inatsisitaarfimmi, juulliaqqami imaluunniit ukiutoqqami pippat, killiliussaq ulluinnaap tulliani qaangiutissaq.

Akiitsullip utertitsisinnaanini atorusuppagu, tamanna pisinnaavoq killiliussap qaangiutinnginnerani akiitsullip immikkoortortaanut sianernikkut imaluunniit allagaqarnikkut. Peqatigitillugu aningaasat tiguneqartut, kiisalu aningaasartuutaasimasinnaasut allat, GrønlandsBANKEN-ip pisortani oqartussaasunut akilersimasinnaasaat, utertinneqarsinnaanngitsut utertillugit akilerneqassapput.

Tamatuma saniatigut akiitsullip, ullormit taarsigassarsiat atugassanngortinnejnarerannit, aningaasat utertinneqarnissaata tungaanut erniat takkuttut akilissavai. Erniat taaneqartoq, ullormut ilanngunneqartartoq, piffissami isumaqtigisiussiorfiusumi erniatigut pissutsit tunngavigalugit naatsorsorneqartarpoq, soorlu erniat erniai sillimaffigineqanngitsut. Erniat, utertitsisinnaanermik atuinermi akilerneqartussat, erniaapput ilanngunneqartut, erniat isumaqtigisiussaasut tunngavigalugit naatsorsorneqartut.

Aningaasat katillugit pisariaqanngitsumik kinguaattoornani utertillugit akilerneqassapput, kingusinnerpaamillu akiitsullip utertitsisinnaanermik atuinissamut nalunaaruteqarneranit kingusinnerpaamik ullaat 30-t qaangiuppata.

9. Naammagittaalliorneq aamma isumaqtigijiinngissutit pillugit isumaqtigijiissuteqarneq

Akiitsulik GrønlandsBANKEN pillugu naammagittaalliorneqarniaruni, akiitsullip siullertut immikkoortortani attavigissavaa imaluunniit immikkoortortaqanngippat klage@banken.gl aamma (299) 701234.

Akiitsullip matuma kingorna saaffiginninnermi GrønlandsBANKEN-ip sullissinera imaluunnit inernerusoq suli isumaqtigijiinngikkuniuk, akiitsullip GrønlandsBANKEN-imi naammagittaalliornermut akisussaasoq attavigissinaavaa. Naammagittaalliornermut akisussaasoq pillugu paassisutissat GrønlandsBANKEN-imi imaluunniit GrønlandsBANKEN-ip nittartagaani pissarsiarineqarsinnaapput.

Saaffiginnissut naammagittaalliorneqarniaruni, akiitsullip naammagittaalliuutini tunniussinaavaa Atuisartut Pisisartullu Maalaarutaannik Aalajangiisartunut, Atuisartoqarnermut Unammilleqatigiinnermut Aqutsisoqarfik, Imaneq 29, 1. sal, Postboks 689, 3900 Nuuk, Oqarasuaat (299) 328033, E-mail: maalaarut@nanoq.gl, www.aua.gl.

GrønlandsBANKEN-ip aningaaserinermik inatsimmik eqqortitsineq pillugu naammagittaalliuutit Finanstilsynet-imut naammagittaalliuutigineqarsinnaapput.

GrønlandsBANKEN-ip inummut paassisutissanik suliaqarnera pillugu uunga naammagittaalliuutigineqarsinnaapput Datatilsynet, Carl Jacobsens Vej 35, 2500 Valby oq. 33 19 32 00, www.datatilsynet.dk.

10. Nakkutilliineq

GrønlandsBANKEN-ip akuersissutigaa GrønlandsBANKEN FT-nr. 6471

GrønlandsBANKEN uannga nakkutigineqarpoq Finanstilsynet, Århusgade 110, 2100 København Ø. Oq. 33 55 82 82, www.finanstilsynet.dk

Akiliussisussamaatit pillugit immikkut

Taarsigassarsianut akiitsunullu akiliussisussamatinik qulakkiigaasunut aalajangersakkat tulliuttut atuupput:

1. Akiliussisussamaatit annertussusaat

Akiliussisussamaatip akiitsullip GrønlandsBANKEN-imut pisussaaffii, taakkununnga ilanngullugit erniat aamma aningaasartuutit allat, aningaasat akilerneqartussat katillugit qularnaveeqqusiiinermi tunniussinermi taarsigassarsiat atsiorneqarnerminni angissusianik imaluunniit akiitsut annertunerpaaffissaannik qaangiinngitsut akiliussisussatut akisussaaffigissavai.

2. Taamaatitsineq

Akiliussisusamaatit ukiut 10-t qaangiuppata taamaatissapput, kisianni akiitsunut nikerartumik taarsigassartalinnut aamma taarsigassarsianut piffissami aalajangersimasumi akilerneqartussaanngitsunut akiliussisussamaasiinermi ukiut 5-it qaangiuppata taamaatissapput. GrønlandsBANKEN-ip akiliussisussamaammut piumasaqaataa atorunnaassangilaq, piumasaqaat akiliussisussamaatip atorunnaannginnerani atulersinneqarsimappat.

3. Atorunnaarsitsineq

Taarsigassarsiat/akiitsut akiliussisussamaasikkat tamakkiisumik imaluunniit ilaannakortumik akilerneqarpata, aamma akiliutigisartakkat imaluunniit qularnaveeqqutit ilassutaasut atorunnaarsinneqarpata, akiliussisussamaasiineq attanneqassaaq, akiliussisussamaat akiitsulimmit imaluunnit GrønlandsBANKEN-imit akiliisimaneq pillugu nalunaarummik tigisisimagluarpalluunniit.

4. Akiliinernik atuineq

Akiliussisussamaatinit akiliinerit siullertut ernianik, akiliutinik aamma aningaasartuutinik matussusiinermut atorneqassapput, tullianillu akiliussisussamaatimit akiitsut qularnaarneqartut sinnerinik annikillisaanermut atorneqassallutik.

Taarsigassarsiat/akiitsut akiliussisussamaasiinermi taamaallaat ilaannakortumik qularnaveeqquserneqarsimappata, akiitsullip imaluunniit akiliussisussamaataanngitsup akiliineri siullertut akiitsuni qularnaveeqqusigaanngitsunik annikillisaanermut atorneqassapput.

5. Kinguartitsineq

GrønlandsBANKEN-ip akiliussisussamaammik akuersisummik peqqaarnani akiitsullip akilersuutinik, ernianik aningaasartuutinillu allanik akiliinissaanut kinguartitsisinnaavoq, matumanili aningaaserinermik ingerlatsineq pillugu inatsimmi § 48 ataqqillugu.

6. Pigisanik naatsorsuinermi ataatsimiinnerni taasisinnaaneq

GrønlandsBANKEN-ip akiitsulimmut tunngasumik pigisanik naatsorsuinermi ataatsimiinnerni tamani akiliussisussamaammut atassuteqartumik sammisami taasisarpoq. Tamanna atuuppoq, GrønlandsBANKEN-ip piumasaqaatiminut tamakkiisumik qularnanngitsumillu matussusiinissaata tungaanut.

7. Ataatsimut akiliussisussamaasiineq qularnaveeqqutillu allat

GrønlandsBANKEN qularnaveeqqusiinerit, akiitsulimmit imaluunniit allamit atugassinneqartut piviusunngortinnissaannut kiisalu GrønlandsBANKEN-ip killilersugaanngitsumik toqqagai naapertorlugit tigusassanik nalikilliliinissamut imminut pisinnaatippooq. Akiliussisussamaat qularnaveeqqutini taama ittuni taarsiivigineqarnissamut pisinnaatitaaffeqanngilaq.

Tamanna ilaatigut isumaqarpoq:

- GrønlandsBANKEN akiliussisussamaat akuersiteeqqaarnagu pisussaatitaaffimmut qularnaveeqqusigaasumut qularnaveeqqutinik allanik atuisinnaatitsilersinnaasoq
- GrønlandsBANKEN qularnaveeqqutit atorsinnaagai, qularnaveeqqusigaasumit piumasaqaatinut allanut akiliussisussaatigisunut piumasaqaatinik taama ittunik naammatsitsinissaq sioqqullugu.

Piginnittutut ingerlatseqatigiiffiup akiliussisussamaataa pingarnertut ingerlatseqatigiiffiup GrønlandsBANKEN-imut pisussaaffianut qularnaveeqqutaavoq, inuttulli akiliussisussamaat ingerlatseqatigiiffiup GrønlandsBANKEN-imut pisussaaffianut tulliuttutut qularnaveeqqutaavoq.

8. Nalunaarutiginnittussaaneq aamma akiitsullip akiliisinnaajunnaarnerani agguagassarsinissamut pisinnaatitaaffik

Akiliussisussamaatip akiitsullip GrønlandsBANKEN-imut pisussaatitaaffii akilertariaqarpagit, GrønlandsBANKEN nalunaarutiginninnissamut pisinnaatitaaffeqarpoq kiisalu akiitsullip pigisaani akiliutinit agguagassarsinissamut pisinnaatitaaffeqarluni.

9. Pinngitsaaliisummik naammassisitsineq

Akiliussisussamaat taarsigassarsinermut qularnaveeqqutaappat, taarsigassarsinermut uppermarsaat akiliussisussamaatimik uppermarsaammik ilaqartoq eqqartuussisarnermi inatsimmi § 598, imm. 1, nr. 7 naapertorlugu akiliussisussamaammi pinngitsaaliisummik naammassisitsinermut tunngaviusinnaavoq.

Qularnaveeqqutit pillugit immikkut

Taarsigassarsianut akiitsunullu qularnaveeqqutinik qularnaveeqquserneqartunut aalajangersakkat tulliuttut aamma atuupput:

1. Qularnaveeqqusiinerup annertussusaa

Qularnaveeqqutit akiitsunik akilersuinermut atatillugu akiliutinut aningasaatinik, ernianik, akiliutinik, suliamut aningaasartuutinik aamma aningaasartuutinik allanik akiliinissamut qularnaveeqqutaapput.

Akiitsullip qularnaveeqqutigisai, akiitsullip GrønlandsBANKEN-imut pisussaaffiinut imaluunniit pisussaaffigilersinnaasaanut sunulluunniit qularnaveeqqutitut atuupput.

GrønlandsBANKEN-ip nammineq toqqarsinnaavaa katillugit pisassanit sorleq, imaluunniit pisassat arallit akornanni sorleq, qularnaveeqqummik tigusassanit annikillineqassanersoq.

2. Pigisanik tigussaasunik qularnaveeqqutaasunik sillimmasiineq

GrønlandsBANKEN biilinut, umiatsiamut, pigisanut allanut imaluunniit illuutinut qularnaveeqquteqarpat, qularnaveeqqusiisup pisussaaffigaa qularnaveeqqusikkat kaskomik aamma/imaluunniit ikuallannermut sillimmasissallugit.

Alla pingajuusooq qularnaveeqqusiisimappat, akiitsullip sillimmatinut akiliut allap pingajuusup akilinngippagu akilissallugu pisussaaffigaa.

3. Qularnaveeqqutip ajorerulernera

Qularnaveeqqutip nalinga annertuumik ajorerulerpat, GrønlandsBANKEN-ip piumasaqaatigisinnaavaa, akiitsullip akiitsut/akiitsut annertussusaat immikkut ittumik annikillisissagai imaluunniit, ajorerulernerup naliganik allanik qularnaveeqqusiissasoq. Taamaattoqanngippat GrønlandsBANKEN-ip taarsigassarsiat/akiitsut sumiginnarneqartutut isigisinnaavai.

GrønlandsBANKEN illututigisami akiitsullip ukioq naallugu najugarisaatut atortumi qularnaveeqquteqarpat, GrønlandsBANKEN-ip illuttip nalingata ajorseriarnerani immikkut ittumik appaassanngilaq imaluunniit allanik qularnaveeqqusiissanngilaq, ajorseriarneq paarsinerlunermik tunngaveqanngippat.

4. Qularnaveeqqutaasunut GrønlandsBANKEN-ip pisinnaatitaaffii

GrønlandsBANKEN-ip qularnaveeqqutaasumut qularnaveeqqusiisup pisinnaatitaaffii tamaasa atorsinnaavai, matuma ataani qularnaveeqqummumt aningaasanik sunilluunniit tigusineq aamma uppernarsaaneq, atorunnaarsitsineq akiliisitsinerlu, uppernarsaaneq kiisalu pisassarisanik qularnaveeqqusikanik tammarnaveeqqusiinermut uppernarsatinik imminut assartuineq imaluunniit kontoni uninngasuuteqarfintti qularnaveeqqusigaasuni aningaasanik qaffaaneq.

Aktiaatinik, piginneqataassutsinik assigisaannillu qularnaveeqqusiinermi GrønlandsBANKEN-ip, ingerlatseqatigiiffit pillugit inatsisit, ingerlatseqatigiiffiup ileqqoreqqusai, piginnittut isumaqatigiissutigisinnaasaat assigisaallu naapertorlugit aktiaatillit aamma piginneqataassutillit pisinnaatitaaffii taamasa atorsinnaavai. Taasinissamut pisinnaatitaaffik qularnaveeqqusiisup pigaa, GrønlandsBANKEN-ip tamanna atorniarlugu erseqqissumik nalunaarutiginissaata tungaanut. Qularnaveeqqusiisoq GrønlandsBANKEN-ip saaffiginninneratigut ingerlatseqatigiiffimmit nalunaarutinik nassiussisassaaq, matuma ataani ilaatigut ileqqusumik ataatsimeersuarnermut aggersaanerit taassumanngalu eqikkaanerit.

Qularnaveeqqut sillimmasiinermut allagartamik imaqrpat, qularnaveeqqusiisup pisussaaffigaa piumasaqarneratigut sillimmasiinermut akiliutip piffissaq eqqorlugu akilerneqarsimaneranut uppernarsaat GrønlandsBANKEN-imut takutinnissaa.

GrønlandsBANKEN-ip sillimmasiinermut allagartami utertitsilluni akiliutip nalinganik utertitsinissaq toqqaruniuk, GrønlandsBANKEN sillimmasiinermut isumaqatigiissuteqarneq pillugu inatsimmi killiliussaq aalajangerneqartoq utaqquinagu pisinnaatitaassaaq.

GrønlandsBANKEN qularnaveeqqusiinermi sioqqutsilluni matussusiinissamut pisussaanngilaq, soorlu GrønlandsBANKEN ataatsimut pisussaaffimmut atatillugu atuinermut nammineerluni toqqaasinnaasoq.

5. Qularnaveeqqut pillugu aningaasartuutit

GrønlandsBANKEN-ip pigisat qularnaveeqqutit pillugit aningaasartuutinik akiliinissamut piumasaqaateqarsinnaavoq.

GrønlandsBANKEN-ip aamma piumasarisinnaavaa GrønlandsBANKEN-ip qularnaveeqqusiiffigisatut soqutigisaminut aningaasartuutanut akiliisoqarnissaa, matuma ataani sillimmasiinermut akilersuutinut akiliinernut, qularnaveeqqummik misissuinermut, inatsisilerinikkut ikiorneqarnermut aningaasartuutinut il.il.

6. Qularnaveeqqummit iluanaarutit

Qularnaveeqqusiinermi ilaapput erniat aamma pissarsiat qularnaveeqqutinit qanoq ittunilluunniit, taakku ataanni inuunermut sillimmammumt allagartanut bonusit, aktiani aningasaateqarfintti aktiaasinnaasut aamma

isumaqatigiissuteqarnermi pisinnaatitaaffit, obligationinit toqqakkanit iluanaarutit, attartortitsinermi iseritat assigisaallu.

GrønlandsBANKEN piginnaatitaavoq, pisussaatitaananili (aamma akiliussisussamaammut atatillugu), akilersutinik, ernianik aamma aningaasartuutinik akiliinermut ernianik iluanaarutinillu pissarsinissamut.

7. Nalunaarutit

Nalunaarutit tamarmik, qularnaveeqqusii sup pigisat qularnaveeqquitit pillugit tigusaanut atatillugu, qularnaveeqqusii sup pisussaaffigaa taakku erngertumik GrønlandsBANKEN-imut nassiuressallugit.

8. Obligationinik toqqaaneq

Obligationit qularnaveeqqusikkat toqcarneqarpata, toqcarneqartunullu taarsiullugu allanik pisisoqarpat, GrønlandsBANKEN VP Securities A/S-imut taakkununnga qularnaveeqquitinik salliusutut nalunaarsuinssamut piginnaatitaavoq.

9. Taamaatitsineq

Allap pingajuusup qularnaveeqqusii eri ukiut 10-t qaangiuppata atorunnaassapput, kisianni allap pingajuusup akiitsunut nikerartumik taarsigassartalinnut aamma taarsigassarsianut piffissami aalajangersimasumi akilerneqartussaanngitsunut qularnaveeqqusii eri ukiut 5-it qaangiuppata taamaatissaq. GrønlandsBANKEN-ip allamut pingajuusumut qularnaveeqqusii sumut piumasaqataa atorunnaarneq ajorpoq, piumasaqat siusinnerusukkut GrønlandsBANKEN-imut atuutilersinneqarpat.

10. Atorunnaarsitsineq

Taarsigassarsiat/akiitsut qularnaveeqquserneqartut tamakkiisumik imaluunniit ilaannakortumik akilerneqarpata, kingornalu akiliinerit atorunnaarsinneqarpata, qularnaveeqqusii soq GrønlandsBANKEN-ip qularnaveeqqutai pilerseqqissallugit pisussaatitaavoq, GrønlandsBANKEN-ip qularnaveeqquitit atorsinnaalertereeraluarpagilluunniit.

11. Kinguartitsineq

GrønlandsBANKEN qularnaveeqqusii sumut akuersisumik aalleqqaarani taarsigassarsisup akilersutinik, ernianik aningaasartuutinillu allanik akiliinissaanut kinguartitsisinnaavoq, allalli pingajuusup qularnaveeqqusii sarneranut atatillugu aningaaserinermik ingerlatsineq pillugu inatsimmi § 48 ataqqillugu.

12. Pinngitsaaliisummik naammassisitsineq

Qularnaveeqquitinik pisinnaatitaaffinnik piviusunngortitsineq qularnaveeqqusii sumut siusinaarluni kalerriutiginninnikkut pinngitsaaliisummik akitsorterussinikkut allakkulluunniit pissaaq, GrønlandsBANKEN-ip siunertamut tulluartutut naliligaanik, matuma ataani GrønlandsBANKEN-ip nammineq iliuuseqarneratigut piviusunngortitsineq.

GrønlandsBANKEN-ip pigisat tuninnginnerani, allakkamik innersuusumik nassiuressisoqassaaq, qularnaveeqqusii soq sapaatip akunnera ataaseq sioqqullugu GrønlandsBANKEN-ip piumasaqataanik naammassinninnissamut kajumissaarneqarluni.

Tamannali atuutinngilaq, annaasaqarnissaq pinaveersaartinniarlugu imaluunniit killilerniarlugu erngertumik tunisinissaq pisariaqarpat.